



REPUBLIKA E KOSOVËS REPUBLIKA KOSOVA REPUBLIC OF KOSOVO  
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD CIVIL SERVICE OF KOSOVO

Pranuar / Dorëzuar Priljejm / Protato Received / Delivery	07-04-2022	2	viti god year
Organ / Njësia Organ / Jedinstva Org / Unit	SKMBHOK	1955/2022	119



**Republika e Kosovës**  
**Republika Kosova - Republic of Kosovo**

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.154/2022

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave i përbërë nga: Malsore Gashi-Bajraktari-kryetare, Jeton Koca dhe Eshref Shabani-anëtarë si dhe Zyle Millaku Gojnovci-Zyrtare e lartë për bashkëpunim profesional në cilësinë e procesmbajtëses, ka shqyrtuar ankesën me numër A.nr.154/2022 të datës 23.02.2022 të parashtruar nga ankuesja \_\_\_\_\_ me adresë \_\_\_\_\_

Komuna e Prishtinës, kundër organit të punësimit- Agjencina e Regjistrimit të Bizneseve të Kosovë/Ministria e Industrisë, Ndërmarrësisë dhe Tregtisë, në çështjen juridike "vlerësim i rezultateve të punës për vitin 2021", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.6 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 06.04.2022, mori këtë:

**V E N D I M**

**I. ANULOHET** Vlerësimi i rezultateve të punës për periudhën janar-dhjetor për vitin 2021, për ankuesen \_\_\_\_\_

**II. OBLIGOHET** Udhëheqësi i drejtpërdrejtë i ankueses respektivisht Drejtori i Drejtoratit për Çështje Administrative për Regjistrimin e Biznesit në Agjencinë e Regjistrimit të Bizneseve të Kosovë që të bëjë zbatimin e këtij vendimi brenda afatit prej pesëmbëdhjetë (15) ditësh nga dita e pranimit të këtij vendimi, duke bërë rivlerësimin e rezultateve të punës për ankuesen \_\_\_\_\_ për periudhën nga data 01.01.2021 deri me datën 31.12.2021 në pajtim me legjislacionin në fuqi.

**III.OBLIGOHET** Kryeshefi Ekzekutiv në Agjencinë e Regjistrimit të Bizneseve të Kosovë , që ti ndërmarrë veprimet që zbatimi i këtij vendimi të bëhet si në pikën **II** të këtij vendimi.

**IV.** Këshilli i Pavarur Mbikëqyrës për Shërbimin Civil të Kosovës, duhet të njoftohet me shkrim pas ndërmarrjes së veprimeve në pajtim me këtë vendim



## A r s y e t i m

Ankuesja [redacted] e punësuar në Ministrinë e Industrisë, Ndërmarrësisë dhe Tregtisë, sipas Ndryshim dhe Plotësim të Akt emërimit me numër Nr.11/02/135/09 të datës 08.10.2014, në pozitën "Udhëheqëse e Sektorit të Pengut", në Agjencinë e Regjistrimit të Bizneseve të Kosovës, e cila me datë 02.02.2022 përmes emailit zyrtar ka pranuar formularin e vlerësimit të rezultateve të punës për vitin 2021 me notën e përgjithshme 2.7, nga Mbikëqyrësi i drejtpërdrejtë. Lidhur me këtë ankuesja ka parashtruar komentet në formularin e vlerësimit për rezultatet e punës për vitin 2021.

Ankuesja, kundër vlerësimit të rezultateve në punës për vitin 2021, me datën 23.02.2022 ka parashtruar ankesën me nr.prot: 939/2022, në Këshillin e Pavarur Mbikëqyrës për Shërbimin Civil të Kosovës, me pretendimet ankimore që vlerësimi i rezultateve në punës është bërë në kundërshtim me dispozitat ligjore, pa pasur asnjë njoftim për takim paraprak lidhur me vlerësimin e arritjes së objektivave gjatë vitit 2021, po ashtu ankuesja pretendon se vlerësimi i punës për vitin 2021, nuk është real, nuk është i drejtë dhe se është i njëanshëm.

Këshilli i Pavarur Mbikëqyrës për Shërbimin Civil të Kosovës, me datën 03.03.2022, ankesën e ankueses e ka proceduar për përgjigje në ankesë tek Agjencia e Regjistrimit të Bizneseve të Kosovës, ndërsa me datën 15.03.2022, Këshilli ka pranuar përgjigjen në ankesë nga Agjencia e Regjistrimit të Bizneseve të Kosovës, me shkresat e bashkëngjitura të lëndës.

Kolegji për Shqyrtimin dhe Vendosjen e Ankesave, për vërtetimin e plotë dhe të drejtë të gjendjes faktike si dhe vendosjes në mënyrë meritore, ka administruar këto prova: Ankesën e ankuesit me numër të protokollit 939/2022 të datës 23.02.2022 e parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Kopje e datës 02.02.2022 nga sistemi SIBMNJ-së vlerësimit të rezultateve në punës për vitin 2021; Raporti statistikor nga regjistri i pengut; Raporti Financiar nga Regjistri i pengut; Përgjigje në ankesë e datës 15.03.2022nr. protokollit 1373/2022 nga Udhëheqësi i Divizionit të Burimeve Njerëzore; Ndryshim dhe Plotësim të Akt emërimit Nr.11/02/135/09 të datës 08.10.2014; Përshkrimi i detyrave të punës i datës 08.10.2014; Formulari për vlerësimin e rezultateve në punës të nëpunësve civil dhe nëpunësve të shërbimit publik për kategorinë drejtuese, i mesëm, i ulët dhe profesional për vitin 2021; Formulari për vlerësimin e rezultateve në punës të nëpunësve civil dhe nëpunësve të shërbimit publik për kategorinë drejtuese i mesëm, i ulët dhe profesional për vitin 2020; Formulari për vlerësimin e rezultateve në punës të nëpunësve civil dhe nëpunësve të shërbimit publik për kategorinë drejtuese i mesëm, i ulët dhe profesional për vitin 2019; Përgjigje sipas kërkesës në ankesë të ankueses Pranvera Prestreshi i datë 11.03.2022(E-mail); Kërkesë nga njësia e personelit për mbikëqyrësin e ankueses, për përgjigje në ankesën e ankueses [redacted] sipas kërkesës së KPMSHCK-së.

Kolegji për shqyrtimin dhe vendosjen e ankesave, për vendosjen e kësaj çështje pasi ka shqyrtuar të gjitha shkresat e lëndës të bashkëngjitura si nga ankuesja ashtu edhe nga organi i punësimit ka vërtetuar se ekziston baza ligjore për të vendosur, që lënda e ankueses [redacted] të kthehet në *ri-vlerësim, sepse:*

Kolegji për shqyrtimin dhe vendosjen e ankesave ka shqyrtuar pretendimet ankimore të ankueses e cila pretendon se vlerësimi i rezultateve të punës për vitin 2021, iu është bërë pa asnjë konsultim

ose bisedë paraprake nga ana e eprorit të saj të drejtpërdrejt, pa nënshkrim të vlerësimit, si dhe vlerësimin e rezultateve të punës e konsideron jo të drejtë dhe jo real.

Kolegji për shqyrtimin dhe vendosjen e ankesave, pas shqyrtimit të pretendimit ankimor të ankueses lidhur me vlerësimin e rezultateve në punë për vitin 2021 pa pasur asnjë takim paraprak nga mbikëqyrësi i saj i drejtpërdrejtë, konkretisht pas analizimit dhe shqyrtimit të provave të lëndës, ka konstatuar se është i qëndrueshëm sepse mbikëqyrësi i drejtpërdrejtë i ankueses me rastin e vlerësimit të rezultateve të punës për vitin 2021, ka vepruar në kundërshtim me nenin 8 paragrafin 1 nën paragrafin 1.1 dhe 1.2 të Rregullores Nr. 21/2020 për Procedurën e Vlerësimit të Rezultateve në punë të Nëpunësve Civil dhe Nëpunësve të Shërbimeve Publike, i cili përcakton se: *"Vlerësimi përfundimtar i realizimit të objektivave dhe i aftësive profesional të nëpunësit bëhet në fund të periudhës vlerësuese në bazë të një procesi, që përfshin: 1.1 takimi për diskutimin e realizimit të objektivave dhe rezultateve të arritura; 1.vlerësimin (notimi) e objektivave"*, sepse vlerësimi i është dërguar ankueses në kundërshtim me paragrafin 4 të nenit 8 i kësaj Rregullore, ku përcaktohet se: *"Formulari i vlerësimit siç përcaktohet në paragrafin 3 të këtij neni i dërgohet nëpunësit, i cili diskutohet në një takim me mbikëqyrësin dhe në afat prej 5 dite kalendarike nëpunësi duhet të shprehet (pajtohet ose nuk pajtohet) me vlerësimin e mbikëqyrësit"*, që në rastin konkret organi i punësimit nuk ka dëshmuar me asnjë provë se ankuesja është kontaktuar nga Mbikëqyrësi i drejtpërdrejtë, për të diskutuar lidhur me periudhën e vlerësimit.

Kolegji për shqyrtimin dhe vendosjen e ankesave, po ashtu ka shqyrtuar pretendimet e ankueses e cila ka pretenduar se vlerësimi i rezultateve të punës për vitin 2021 nga mbikëqyrësi i drejtpërdrejtë nuk është real dhe nuk është i drejtë dhe në bazë të dëshmive të ofruara ka konstatuar se Udhëheqësi i drejtpërdrejtë i ankueses konkretisht Drejtori i Drejtoratit për Çështje Administrative për Regjistrimin e Biznesit me rastin e vlerësimit të ankueses me notën e përgjithshme 2.7 tek pjesa e komenteve për asnjë nga objektivat apo aftësitë nuk ka shprehur mendimin se pse është vlerësuar ankuesja me këtë notë, gjegjësisht nuk ka shpjeguar as edhe një koment të vetëm dhe ta jap mendimin lidhur me përmbushjen apo jo të njërës prej objektivave dhe detyrave të punës.

Kolegji për shqyrtimin dhe vendosjen e ankesave, bazuar në prova dhe fakte të ofruara nga ankuesja dhe organi i punësimit pasi ka shqyrtuar pretendimet ankimore të ankueses ka vërtetuar se të njëjtat janë pjesërisht të bazuara, andaj eprori aktual është i obliguar që ankueses ti bëjë rivlerësimin e rezultateve të punës, në pajtim me nenin 43 të Ligjit Nr.06/L-114 për Zyrtar Publik, dhe nenin 4 paragrafin 1, nën paragrafin 1.1, 1.2 pika 1.2.1 deri në 1.2.6 të Rregullores Nr.21/2020 për Procedurën e Vlerësimit të Rezultateve në Punë të Nëpunësve Civil dhe Nëpunësve të Shërbimeve Publike si dhe të ndërmerre të gjitha veprimet me qëllim që vlerësimi i ankueses të bëhet konformë legjislacionit që rregullon çështjen e vlerësimit të nëpunësve civil.

Kolegji për shqyrtimin e ankesave obligon Udhëheqësin e drejtpërdrejtë të ankueses respektivisht Drejtori i Drejtoratit për Çështje Administrative për Regjistrimin e Biznesit, që të shqyrtoj të gjitha faktet dhe në bazë të gjeturave të këtij vendimi të bëjë rivlerësimin e rezultateve të punës për vitin 2021 për periudhën 01.01.2021 deri më 31.12.2021 për ankuesen si dhe të gjitha procedurat që kanë të bëjnë me procedurën e vlerësimit të rezultateve të punës t'i zhvillojnë në pajtim me dispozitat ligjore në fuqi të Ligjit Nr.06/L-114 për Zyrtarët Publik dhe Rregulloren

Nr.21/2020 për Procedurën e Vlerësimit të Rezultateve në Punë të Nëpunësve Civil dhe Nëpunësve të Shërbimeve Publike.



Kolegji si fakt vendimtar lidhur me shqyrtimin e ankesës, mori parasysh edhe faktin notor se viti 2021 ishte vit i përcjellë me situatën e pandemisë me COVID-19, dhe si rezultat i kësaj të gjitha institucionet publike kanë funksionuar me staf esencial dhe reduktime të stafit, rrethana këto që Kolegji vlerëson se kanë ndikuar në përmbushjen e objektivave të punës, andaj Kolegji bazuar në këto rrethana konstaton se Udhëheqësi i drejtpërdrejtë i ankueses duhet të bëjë rivlerësimin e Rezultateve të punës për vitin 2021, duke marr parasysh të gjitha faktet e cekuar me lartë.

Në rast të moszbatimit të vendimit të Këshillit nga personi përgjegjës i përcaktuar në dispozitiv të këtij vendimi, Kryetari i Këshillit ndërmer veprimet në pajtim me nenin 21, 23 dhe 24 të Ligjit Nr.06/L-048 për Këshillin e Pavarur Mbiqëqyrës për Shërbimin Civil të Kosovës, duke aplikuar edhe ndalimin e 50 % të pagës mujore për personin përgjegjës, deri në zbatimin e vendimit të Këshillit.

Duke marrë parasysh të gjitha shkresat e lëndës dhe provat e bashkëngjitura në lëndë, Kolegji për shqyrtimin e ankesave duke u bazuar në kompetencën e Këshillit, vendosi si në dispozitiv të këtij Vendimi

**KËSHILLI I PAVARUR MBIQËQYRËS PËR SHËRBIMIN CIVIL TË KOSOVËS**  
Lënda me numër A.nr.154/2022.

Zyle Millaku GOJNOVCI

Procesmbajtëse

Malsore GASHI-BAJRAKTARI

Kryetare e Kolegjit



**Vendimi i dërgohet:**

- Ankueses
- Kryeshefit Ekzekutiv të Agjencisë së Regjistrimit të Bizneseve të Kosovës,
- Udhëheqësit të Personelit në Agjencinë e Regjistrimit të Bizneseve të Kosovës,
- Arkivit të KPMSHCK-së.

